



AN COIMISIÚN  
EORPACH

An Bhruiséil, 14.12.2022  
SWD(2022) 409 final

**DOICIMÉAD INMHEÁNACH OIBRE DE CHUID AN CHOIMISIÚIN  
ACHOIMRE FEIDHMIÚCHÁIN AR AN TUARASCÁIL AR AN MEASÚNÚ  
TIONCHAIR**

*a ghabhann leis an doiciméad*

**Teachtaireacht ón gCoimisiún – Treoirínte maidir le Státchabhair a scrúdú in earnáil  
an iascaigh agus an dobharshaothraithe**

**Rialachán (AE) .../... ón gCoimisiún an XXX lena ndearbhaítear go bhfuil catagóirí  
áirithe cabhrach do ghnóthais atá gníomhach i dtáirgeadh, i bpróiseáil agus i margú  
táirgí iascaigh agus táirgí dobharshaothraithe comhoiriúnach don mhargadh  
inmheánach mar chuid de chur i bhfeidhm Airteagail 107 agus 108 den Chonradh ar  
Fheidhmiú an Aontais Eorpaigh**

**agus**

**Rialachán (AE) Uimh. 717/2014 ón gCoimisiún an 27 Meitheamh 2014 maidir le  
hAirteagail 107 agus 108 den Chonradh ar Fheidhmiú an Aontais Eorpaigh a chur i  
bhfeidhm maidir le cabhair de minimis in earnáil an iascaigh agus an  
dobharshaothraithe.**

{C(2022) 9139 final} - {SEC(2022) 441 final} - {SWD(2022) 408 final}

|   |
|---|
| <b>Bileog Achoimre Feidhmiúcháin</b>  |
| <b>Measúnú tionchair ar an athbhreithniú ar na rialacha maidir leis an Státchabhair d'earnáil an iascaigh agus an dobharshaothraithe</b>  |
| <b>A. An gá atá le beart</b>  |
| <b>Cén fadhb atá ann agus cén fáth ar fadhb í ar leibhéal an Aontais?</b>   |
| <p>Na fadhbanna a sainaithníodh i dtaca leis an athbhreithniú ar na rialacha maidir leis an Státchabhair d'earnáil an iascaigh agus an dobharshaothraithe (mar atá rialachán blocdhíolúine earnáilsonrach, dá ngairtear 'FIBER', na Treoirlínte maidir le scrúdú a dhéanamh ar Státchabhair in earnáil an iascaigh agus an dobharshaothraithe, agus cabhair phoiblí a dheonaítear faoin Rialachán maidir le cabhair <i>de minimis</i> in earnáil an iascaigh agus dobharshaothraithe), is iad na fadhbanna sin: (i) ualach riaracháin neamhriachtanach maidir le bearta a bhfuil taithí leordhóthanach bainte amach ag an gCoimisiún ina dtaobh; (ii) níl an uasteorainn aonair <i>de minimis</i> agus an uasteorainn náisiúnta <i>de minimis</i> in oiriúint a thuilleadh d'fhorbairtí nua sa mhargadh agus don bhoilsciú, agus cuirtear cóir dhifreálte ar thionscal na próiseála agus na margaíochta; (iii) neamhailíniú le CEMID; agus (iv) easpa trédhearcachta maidir leis an rialú ar Státchabhair. Is iad na páirtithe leasmhara a ndéanann an t-athbhreithniú an difear is mó dóibh údarais sna Ballstáit atá ag deonú cabhrach, agus gnóthais iascaigh agus dobharshaothraithe ar fud an Aontais (go hindíreach, mar thairbhithe incháilithe nó iarbhir).</p> |
| <b>Cad é ba cheart a bhaint amach?</b>  |
| <p>Is é an cuspóir ginearálta rialacha maidir leis an Státchabhair a bheith i bhfeidhm d'earnáil an iascaigh agus an dobharshaothraithe, rialacha a d'fhéadfadh rannchuidiú le cuspóirí CBI agus an Chomhaontaithe Ghlais a bhaint amach, agus ag an am céanna, barr feabhais a chur ar an gcreat chun tuilleadh éifeachtúlachtaí a bhaint amach ar bhealach nach saobhfaidh an iomaíocht idir gnóthais sna Ballstáit. Chuige sin, saothróidh an t-athbhreithniú ceithre chuspóir shonracha: (i) simpliú riaracháin a áirithiú; (ii) an creat <i>de minimis</i> a chur in oiriúint do na forbairtí margaidh is déanaí; (iii) a áirithiú go mbeidh comhleanúnachas ann idir na rialacha maidir leis an Státchabhair in earnáil an iascaigh agus dobharshaothraithe, agus cuspóirí CEMID agus CBI; agus (iv) trédhearcacht agus smacht margaidh a mhéadú. I dtaca leis na cuspóirí sin, tá cuspóirí oibríochtúla agus critéir ann lenar féidir rath a thomhas amach anseo: (i) neamhshaobhadh iomaíochta; (ii) simpliú riaracháin tríd an ualach a laghdú.</p>  |
| <b>Cad é an breisluach atá le beart a dhéanamh ar leibhéal an Aontais (coimhdeacht)?</b>  |
| <p>Níl feidhm ag prionsabal na coimhdeachta ós rud é go bhfuil inniúlacht eisiach ag an gCoimisiún sa réimse sin.</p>   |
| <b>B. Réitigh</b>   |
| <b>Cad iad na roghanna éagsúla lenar féidir na cuspóirí a bhaint amach? An bhfuil rogha thosaíochta ann nó nach bhfuil? Mura bhfuil, cén fáth nach bhfuil?</b>  |
| <p>Leagtar amach sa mheasúnú tionchair cúig rogha bheartais (na roghanna beartais atá ar fáil, tugann siad aghaidh ar na fadhbanna a sainaithníodh ina gceann agus ina gceann de réir a gcineáil, ionas go ndeighltear iad ina dtrí roinn, a bhaineann leis an uasteorainn <i>de minimis</i> agus an uasteorainn náisiúnta; ailíniú le CEMID agus costais neamhriachtanacha; agus na tairseacha foilseacháin): 1) an uasteorainn aonair <i>de minimis</i> agus an uasteorainn náisiúnta <i>de minimis</i> a mhéadú; 2) an uasteorainn <i>de minimis</i> maidir le próiseáil agus margú a mhéadú chun teacht leis an uasteorainn <i>de minimis</i> is infheidhme in earnáil na talmhaíochta; 3) an creat a ailíniú le CEMID ach é a oiriúnú do rialú ar Státchabhair; 4) an creat a ailíniú le CEMID, é a oiriúnú do rialú ar Státchabhair agus é a athbhreithniú; 5) tairseacha foilseacháin maidir le dámhachtainí cabhrach aonair a</p>   |

|  |
|--|
| laghdú. Teaglaím de rogha 1 le rogha 4 agus rogha 5, sin an rogha bheartais thosaíochta (ós rud é go dtugann siad sin aghaidh ar fhadhbanna difriúla, tá tionchair neamhspleácha acu agus d'fhéadfaí iad a chomhcheangal agus a dtionchair a charnadh).  |
| <b>Cad iad tuairimí na bpáirtithe leasmhara éagsúla? Cé hiad na páirtithe leasmhara éagsúla agus cé na bearta is rogha leo?</b>  |
| Léirigh údaráis na mBallstát, arb iad is mó a ndéanfaidh na roghanna beartais atá beartaithe difear dóibh, a n-íompar leis an ualach riaracháin breise a bhfuil coinne leis de bharr an laghdaithe atá beartaithe i ndáil le tairseacha foilseacháin (rogha 5) agus maidir le cabhair um ghnólachtaí nuathionscanta le haghaidh iascairí óga a bheith á scriosadh ó FIBER (rogha 4). Ag an am céanna, ba dhíol sásaimh dóibh an síneadh atá beartaithe a chur le raon feidhme FIBER, rud dá bhforáiltear i rogha 4, agus méadú na huasteorann <i>de minimis</i> náisiúnta agus na huasteorann de minimis aonair (rogha 1). Thacaigh páirtithe leasmhara eile (gnólachtaí agus eagraíochtaí táirgeoirí a fheidhmíonn san earnáil) leis an uasteorainn aonair agus na huasteorainneacha náisiúnta a mhéadú (rogha 1), agus fiú leis an uasteorainn aonair a mhéadú go dtí an leibhéal céanna leis an uasteorainn is infheidhme maidir le próiseáil agus margú táirgí talmhaíochta (rogha 2). |
| <b>C. Tionchar na rogha tosaíochta</b>   |
| <b>Cé na tairbhí a bhaineann leis an rogha tosaíochta (más ann dóibh; murab ann, cad iad tairbhí na bpríomhroghanna)?</b>  |
| Dhéanfaidh an rogha tosaíochta an uasteorainn <i>de minimis</i> náisiúnta agus an uasteorainn aonair a choigeartú de réir na bhforbairtí eacnamaíocha (rogha 1), trédhearcacht maidir le rialú ar Státchabhair a mhéadú (rogha 5) agus an creat Státchabhrach san earnáil a ailíniú le CEMID, chomh maith le bheith ag cur le héifeachtúlachtaí san am céanna (rogha 4). Dá réir sin, chuirfeadh sé sin le héifeachtacht rialacha maidir leis an Státchabhair in earnáil an iascaigh agus an dobharshaothraithe. Rannchuidiú níos fearr a bheadh sa rogha tosaíochta ó thaobh cuspóirí an CBI agus an Chomhaontaithe Ghlais a bhaint amach (tríd an ailíniú le CEMID). Bheadh simpliú riaracháin suntasach ann mar thoradh air sin, go háirithe d'údaráis na mBallstát ach don Choimisiún freisin.   |
| <b>Cad iad costais na rogha tosaíochta (más ann dóibh, murab ann, cad iad costais na bpríomhroghanna)?</b>   |
| D'fhágfaidh an rogha tosaíochta go mbeadh costais riaracháin níos airde ar údaráis na mBallstát chun ceanglais trédhearcachta nua a chomhlíonadh, agus de bharr an ghá a bheadh le fógra a thabhairt faoi bhearta maidir le cabhair um ghnólachtaí nuathionscanta le haghaidh iascairí óga, tar éis don chabhair sin a bheith scriosta ó FIBER. Ba cheart, áfach, go ndéanfaí na costais sin a fhritháireamh go mór de bharr na dtairbhí a mheastar a eascróidh as FIBER a leathnú chun trí bheart nua a chur san áireamh, agus as an uasteorainn aonair <i>de minimis</i> agus an uasteorainn náisiúnta a mhéadú.   |
| <b>Cén tionchar a imreofar ar FBManna agus ar an iomaíochas?</b>   |
| Bheadh tionchar dearfach ag an rogha tosaíochta ar FBManna, is é sin trí thrí bheart nua a thabhairt isteach faoi FIBER. Ach nósanna imeachta níos tapa maidir leis an Státchabhair a bheith ann, beidh rochtain níos tapa ar chabhair. Tá sé sin ábhartha go háirithe do FBManna, a mbíonn a rochtain ar mhaoiniú teoranta go minic. Raon feidhme FIBER a leathnú mar atá beartaithe, is rud é a rachaidh chun tairbhe na FBManna níos mó ná gnóthais mhóra, toisc go bhfuil go leor de na bearta a chuimsítear i FIBER teoranta do FBManna. Bhainfeadh FBManna tairbhe freisin as tacaíocht níos tapa trí chabhair <i>de minimis</i> faoi rogha 1.   |
| <b>Comhréireacht?</b>  |
| Tugann na roghanna tosaíochta aghaidh go héifeachtach agus go comhréireach ar na fadhbanna a   |

sainaithníodh.

## D. Iarobair

### Cathain a dhéanfar athbhreithniú ar an mbeartas?

Bheadh FIBER nua agus an Rialachán *de minimis* bailí go dtí 2029, rud a fhágann go ndéanfaí measúnú ar FIBER (agus ar na Treoirlínte freisin) roimh dheireadh 2028. Ba cheart go mbeadh tionchar dearfach ag trédhearcacht fheabhsaithe faoi rogha thosaíochta 5 ar an rialú ar Státchabhair agus ba cheart go bhfeabhsódh sé infhaighteacht sonraí ar leibhéal na dtairbhíthe aonair. Ba cheart go mbeadh an toradh céanna ar chlár *de minimis* a thabhairt isteach. Déanann ranna an Choimisiúin faireachán *ex-post* bliantúil, bunaithe ar shampla de scéimeanna cabhrach atá ann cheana. Ina theannta sin, féachann an Coimisiún le meastóireachtaí *ex-post* a dhéanamh ar scéimeanna Státchabhrach a bhfuil rioscaí arda ag baint leo de shaobhadh féideartha ar an iomaíocht. Is uirlis thábhachtach eile é scórchlár na Státchabhrach, rud a sholáthraíonn faisnéis faoin staid fhoriomlán i ndáil le Státchabhair i ngach Ballstát. Ar deireadh, le meastóireacht a dhéanfar amach anseo, ba cheart measúnú a dhéanamh ar rath an tionscnaimh i ndáil leis na cuspóirí oibríochtúla a leagtar amach thuas (an baol go saobhfaí an iomaíocht a íoslaghdú agus simpliú riaracháin a áirithiú).

## Meastóireacht achoimre feidhmiúcháin

### A. Comhthéacs agus cuspóirí

Is ionstraim rithábachtach de chuid bheartas iomaíochta an Aontais é an rialú Státchabhrach, mar a chumhdaítear sa Chonradh ar Fheidhmiú an Aontais Eorpaigh. Is é is cuspóir dó an margadh inmheánach a chosaint trí chosc a chur ar shaobhadh míchuí ar an iomaíocht agus an trádáil. Cuireann an Conradh toirmeasc ginearálta ar Státchabhair ach amháin i gcásanna ina mbíonn údar leis de bharr cúiseanna a bhaineann leis an bhforbairt eacnamaíoch nó de bharr an leasa choitinn. Déanann an Coimisiún Eorpach faireachán ar an úsáid a bhaineann na Ballstáit as cabhair náisiúnta agus leagann sé síos rialacha lena rialaítear an measúnú ar chomhoiriúnacht na cabhrach le feidhmiú rianúil an mhargaidh inmheánaigh.

An creat Státchabhrach sonrach le haghaidh an iascaigh agus an dobharshaothraithe, cuimsíonn sé an Rialachán maidir le Blocdhíolúine Iascaigh (FIBER)<sup>1</sup>, an Rialachán *de minimis*<sup>2</sup> agus treoirlínte eárnála<sup>3</sup>. Déantar measúnú leis an meastóireacht sin ar fheidhmíocht an chreata sin i dtaca lena phríomhchuspóirí:

- saobhadh iomaíochta agus trádála in eárnáil an iascaigh agus an dobharshaothraithe a íoslaghdú, rud a sholáthróidh intuarthacht agus deimhneacht dhlíthiúil do na Ballstáit agus do thairbhíthe na Státchabhrach;
- a fhágáil gur féidir roghnú tosaíochta níos fearr a dhéanamh maidir le gníomhaíochtaí

<sup>1</sup>Rialachán (AE) Uimh. 1388/2014 ón gCoimisiún an 16 Nollaig 2014 lena ndearbhaítear go bhfuil catagóirí áirithe cabhrach do ghnóthais atá gníomhach i dtáirgeadh, i bpróiseáil agus i margú táirgí iascaigh agus táirgí dobharshaothraithe comhoiriúnach don mhargadh inmheánach mar chuid de chur i bhfeidhm Airteagail 107 agus 108 den Chonradh ar Fheidhmiú an Aontais Eorpaigh, IO L 369, 24.12.2014, lch. 37-63.

<sup>2</sup> Rialachán (AE) Uimh. 717/2014 ón gCoimisiún maidir le hAirteagail 107 agus 108 den Chonradh ar Fheidhmiú an Aontais Eorpaigh a chur i bhfeidhm i dtaobh cabhair *de minimis* in eárnáil an iascaigh agus an dobharshaothraithe, IO L 190, 28.6.2014, lch. 45.

<sup>3</sup> *Communication from the Commission — Guidelines for the examination of State aid to the fishery and aquaculture sector* [Teachtaireacht ón gCoimisiún — Treoirlínte maidir le scrúdú a dhéanamh ar Státchabhair d'earnáil an iascaigh agus an dobharshaothraithe], IO C 217, 2.7.2015, lch. 1-15.

forfheidhmithe i dtaobh Státchabhrach, agus go mbeidh tuilleadh simplithe ann;

- cur leis an trédhearcacht, le héifeachtacht na meastóireachta agus leis an rialú comhlíontachta ar na rialacha maidir le Státchabhair ar an leibhéal náisiúnta agus ar leibhéal an Aontais; agus

- an rannchuidiú le cuspóirí CBI a bhaint amach.

Is é dul in éag FIBER agus Rialachán *de minimis* an 31 Nollaig 2022 is cúis leis an meastóireacht. Ní áirítear clásal éagtha sna Treoirí féin. Comhlántacht na dTreoirí sin le FIBER agus leis na Rialacháin *de minimis*, agus a nasc leis an gCiste Eorpach Muirí agus Iascaigh (CEMI), áfach, is rudaí iad sin a fhágann nach mór iad a athbhreithniú i bhfianaise athbhreithniú na Rialachán sin agus ghlacadh chomharba CEMI, is é sin an Ciste Eorpach Muirí, Iascaigh agus Dobharshaothraithe (CEMI), le haghaidh 2021-2027.

Scrúdaíonn an mheastóireacht feidhmíocht an chreata atá ann faoi láthair de réir cúig chritéar: éifeachtacht, éifeachtúlacht, ábharthacht, comhleanúnachas agus breisluach AE. Is meastóireacht í ina mbreathnaítear siar chun feidhmíocht na rialacha a mheas agus chun na réimsí ina bhféadfaí dul i bhfeabhas a mheas.

Cuirtear san áireamh sa mheastóireacht na sonraí inmheánacha, taithí ó láimhseáil cásanna agus an toradh ar chomhairliúcháin poiblí oscailte. Tacaíonn staidéar meastóireachta seachtraí leis.

### Na príomhthorthaí

Thángthas ar an gconclúid sa mheastóireacht gur oibrigh an creat Státchabhrach le haghaidh an iascaigh agus an dobharshaothraithe go maith tríd is tríd agus gur bhain sé a gcuspóirí amach. Mar sin féin, sainaitníonn sí roinnt laigí agus deiseanna freisin chun an creat a fheabhsú.

Tugtar le fios san anailís go bhfuil cuspóirí an chreata fós **ábhartha** den chuid is mó vis-à-vis spriocanna agus tosaíochtaí beartais an Aontais. An cleachtas atá ann ó thaobh láimhseáil cásanna de, taispeánann sé go bhfuil rannchuidiú inbhraite ann maidir le cuspóirí níos leithne CBI, agus comhthacaíonn an t-aiseolas a fuarthas sa chéim chomhairliúcháin leis an méid sin. Cé go ndearnadh an anailís roimh ráig COVID-19 agus sular glacadh príomhthosaíochtaí cosúil leis an gComhaontú Glas, is anailís í a thugann aitheantas d'ábharthacht an bheartais iomaíochta maidir le tacaíocht a thabhairt do straitéis fáis an Aontais.

Deimhníonn an anailís freisin go bhfuil cuspóirí na n-ionstraimí ábhartha sa mhéid go dtugann siad aghaidh ar theipeanna margaidh. Is cosúil, go háirithe, gur fhreagair úsáid na cabhrach *de minimis* sa tréimhse meastóireachta do theipeanna margaidh nó d'fheabhsuithe ábharacha nárbh fhéidir leis an margadh a sholáthar as féin. Thángthas ar an gconclúid chéanna maidir le cabhair a dheonaítear do bhearta nach bearta CEMI iad faoi na Treoirí agus faoi FIBER. Maidir le bearta a bhaineann le CEMI faoi na Treoirí agus FIBER, léiríonn an anailís go bhfuil teipeanna margaidh fós ann, d'ainneoin go ndearnadh feabhsuithe, go háirithe maidir le hinbhuanaitheacht agus coinníollacha cumasúcháin chun nuálaíocht agus forbairt mhargaidh a éascú sa gheilleagar gorm.

Maidir leis an **éifeachtúlacht**, torthaí na hanailíse agus an fhianaise a fuarthas ó shonraí láimhseála cásanna an Choimisiúin agus ó chomhairliúcháin, tugann siad le fios go meastar go bhfuil an t-ualach riaracháin agus na costais a bhaineann le forfheidhmiú na n-ionstraimí Státchabhrach, den chuid is mó, go bhfuil siad sin iomchuí agus go bhfuil údar cuí leo. Tá roinnt féidearthachtaí ann, áfach, chun an t-ualach riaracháin a laghdú agus chun tuilleadh éifeachtúlachtaí a bhaint amach. Maidir leis an trédhearcacht, an tsoiléireacht agus an leordhóthanacht, bhí tuairim na bpáirtithe leasmhara thar a bheith dearfach. D'fhéadfaí níos mó

feabhais a chur air sin le faireachán *ex-post* ar chásanna roghnaithe, cabhair *de minimis* san áireamh. Ina theannta sin, agus é á chur san áireamh nach ndéantar trédhearcach ach thart ar 20-25 % den Státchabhair iomlán arna caitheamh san Aontas Eorpach, na ceanglais foilseacháin maidir le dámhachtainí cabhrach aonair, dealraíonn sé nach n-áiríthíonn siad go hiomlán go gcuirtear an fhaisnéis ábhartha ar fáil go poiblí.

Is cosúil go dtugann an anailís le fios freisin go bhfuil an creat Státchabhrach in earnáil an iascaigh agus an dobharshaothraithe **éifeachtach**. De bharr go bhfuil na hionstraimí dlí níos mionsonraithe, is féidir measúnú comhoiriúnachta níos trédhearcaí agus níos cuíchóirithe a dhéanamh a mhéid a bhaineann le láimhseáil an Choimisiúin ar chabhair a dtugtar fógra ina leith agus leis an úsáid a bhain na Ballstáit as FIBER - tá rialú Státchabhrach i ndiaidh éirí níos intuartha agus dá bharr sin, bíonn deimhneacht dhlíthiúil níos fearr ag na Ballstáit agus ag tairbhíthe na cabhrach. Maidir le cabhair atá blocdhíolmhaithe, tá an dearadh reatha cuimsitheach agus tá curtha aige le cuspóirí CBI trí chlár oibríochtúla CEMI na mBallstát a fheabhsú agus trína fhágáil gur féidir cur chuige comhleanúnach agus comhsheasmhach a bheith ann ar fud na mBallstát. Mar sin féin, an taithí láimhseála cásanna a dtacaíonn an anailís sa staidéar seachtrach léi, tugann sí le fios go bhféadfaí raon feidhme FIBER a leathnú agus fógraí a sheachaint i gcás bearta a bhfuil taithí leordhóthanach bainte amach ag an gCoimisiún orthu agus nach aon bhaol iad don iomaíocht ná don trádáil. Maidir le cabhair *de minimis*, is féidir a rá go ginearálta go bhfuil an dearadh reatha ábalta dul i ngleic go pras le himeachtaí eisceachtúla gan saobhadh iomaíochta ná margaidh a chruthú, ach taispeánann torthaí na meastóireachta nach bhfuil an uasteorainn aonair ná an uasteorainn náisiúnta, a leagadh síos agus a ndearnadh measúnú orthu an uair deireadh in 2007 agus 2013, nach bhfuil na huasteorainneacha sin leordhóthanach do na Ballstáit uile (ar an taobh eile, is cosúil nach mbeadh sé oiriúnach an uasteorainn aonair a mhéadú, ós rud é go bhfuil baol ard ann cheana i roinnt Ballstát den Aontas go saobhfaí an iomaíocht). Pointe eile nach mór a chur san áireamh is ea go bhfuil an uasteorainn maidir le tionscal na próiseála agus na margáíochta éisc ailínithe faoi láthair le huasteorainn earnáil an táirgthe phríomhúil éisc (EUR 30 000), agus go bhfuil difríocht mhór idir í agus an uasteorainn maidir le tionscal próiseála agus margáíochta earraí talmhaíochta (EUR 200 000) – ní mór, áfach, é sin a scrúdú go cúramach, de bharr struchtúr éagsúil na hearnála agus de bharr imní faoin inbhuanaitheacht. Ar deireadh, taispeánann an anailís go bhfuil na Treoirínte ábhartha agus leordhóthanach go ginearálta, ach go bhfuil roinnt eisceachtaí ann, ar nós easpa teorach ar scéimeanna arb é an cuspóir atá leo an damáiste a dhéanann speicis ainmhithe faoi chosaint a chúiteamh.

Tá na rialacha in earnáil an iascaigh agus dobharshaothraithe **comhleanúnach** le hionstraimí Státchabhrach cothrománacha eile, mar a dheimhnigh an cleachtas inmheánach agus na páirtithe leasmhara ábhartha go léir ag céim an chomhairliúcháin. Maidir le **comhleanúnachas seachtrach**, tosaíochtaí nua an Choimisiúin le haghaidh 2019-2024 (an Comhaontú Glas don Eoraip go háirithe) agus imeachtaí eile a tharla le déanaí, níl tionchar cinntitheach agus inchainníochtúil acu go fóill ar na hionstraimí Státchabhrach d'earnáil an iascaigh agus an dobharshaothraithe, agus ní féidir ach measúnú teoranta a dhéanamh ag an bpointe seo. Mar sin féin, léiríonn torthaí an chomhairliúcháin phoiblí cheana gur gá gníomhú agus an creat Státchabhrach a ailíniú le beartais chomhshaoil (rud atá curtha i dtreis anois ag riachtanais an Chomhaontaithe Ghlais). Cé go meastar go gcuireann na bearta Státchabhrach reatha le cuspóirí an Chomhaontaithe Ghlais, ba cheart iad sin a 'chur in oiriúint' sa mhéid gur cheart an creat Státchabhrach a bheith ailínithe leis na hathruithe a tugadh isteach le CEMID.

Ar deireadh, tá **breisluach Eorpach** soiléir leis an ollstruchtúr Státchabhrach d'earnáil an iascaigh agus an dobharshaothraithe a scrúdaíodh sa mheastóireacht seo, ós rud é gur inniúlachtaí eisiacha de chuid an Aontais iad an beartas iomaíochta agus an comhbheartas iascaigh araon. Léiriú go bhfuil breisluach Eorpach

leis an gcreat reatha is ea go gcosnaíonn sé an deimhneacht dhlíthiúil agus go n-áirithíonn sé go n-urramaítear na cuspóirí beartais a leagtar amach i Rialachán CBI agus CEMI don tréimhse 2014-2020.